

24072
=X

22-57

杖左堂集卷五

嘉定孫致彌愷似著

詠東洋夏菊次盛賓三韻

同李武曾王令詔作

異種流傳古帶方
託根應傍海田桑
花期不待重陽雨
人事偏逢六月霜
泛酒蘭膏同薄醉
插頭榴火讓微香
吳兒未識東籬近
枉向蓮塘買棹忙

其二

滄海應全隸職方
異花先見貢樽桑
不辭重譯經波浪
豈料中華有雪霜
徐市島邊懷故土
羅含宅裏換

新香三年始遇餐英客辜負此舟溜夏忙

此花入中國三年矣

興販洋船有戲春溜夏二汛

其三

名花一例出遐方壓倒伊蘭與佛桑不信卑叢偏耐

日性喜烈日與中土種異

未甘晚節讓凌霜人情自重非時種

物性難移故國香河朔尊前添飲興葛巾漉酒為他

忙

其四

消息新來有樂方却將采菊續剗桑籬邊但少蟲吟

露天外疑聞雁叫霜滿酌荷筍浮細瓣緩搖葵扇引

寒香不知窮島花開日可似唐人褊穢忙

彼土稱中國為唐人

其五

貪買奇花拚孔方椰帆分種傲柴桑探支佳色當祥

暑次第繁英接早霜紅菡萏羞班熱客紫茱萸笑後

秋香等閒時物成顛倒未信天公有底忙

雨夜同仲垣維水歌虞作

淋浪檐溜熟梅餘愁緒難憑酒破除入夢曾占翁失

馬留賓長笑食無魚壽張世態齊諧志憂患心情越

絕書咫尺家園歸未得竹深荷淨夜窗虛客冬有失馬之夢元

旦入朝果失爾容所贈名馬

寄畢爾容

三箭威名警九邊布衣承寵 至尊前論功退讓今

馮異辭賞心期古仲連失意吾才思貨殖得時君好

勒燕然汾陽未佩真王印更有何人救謫仙

獄中用蘇公韻 十月初三日

但願陽回函谷春何嘗温飽自謀身三言誰信市無

虎一笑真成井有人頌繫不辭尊獄吏贖緩終恥丐

錢神升沉漫道渾如夢鼠穴乘車豈是因

其二

蔽日浮雲晝慘淒牢愁山積貫城低得仙翻悔拖腸

鼠失計真輸斷尾雞投匭累他耕鑿老却金賴有屨

屨妻邑中巷哭累日諸父老列狀為余訟冤株連繫獄者百餘人先是有以餘金餽者內子守余命

力却而今却羨從軍樂夢想臯蘭西復西初擬戍邊復改重辟

初八日入郡獄再疊前韻

高潔雖慙井大春由來要路恥呈身分爭正灑元黃

血中立難容慙直人松飽嚴霜增磊砢玉經猛火見

精神屈信自信儒門理不向禪宗叩昔因

其二

家書苦語漫淒淒鐵漢眉難為汝低天意定憐求日

鳥 國恩終補失晨雞捫心幸免慙吾祖留舌猶堪

示老妻祭罷臯陶還引滿瓦盆不羨玉東西天啓間奄黨議

復吾邑漕運先中丞力請於聊城相公始得特旨永折邑人建永折祠以祀先公焉

雪中周右泉見訪因留小飲即事

乘興真同訪戴船足音空谷喜楚然攜將嶺表餘甘

子共試中冷第一泉雲外鳥飛銀色界尊前人醉鏡

光天窮愁不廢閒觴詠莫怪爭呼作去呼謫仙

其二

矮窗低屋小於船土銜仍將獸炭然不是雪中來鶴

斃誰從獄底問龍泉酒邊似接齊州壤画裏難呼楚

壁天穩向波吒聲渴睡祇應無奈此頑仙

寒宵即事示東臯右泉鄰初諸子

雪晴寒峭酒難賒貫索霜威一倍加老耳自鳴非蟋

蟀巖更相警學蝦蟆郝天挺唐詩鼓吹注云南添油

重炷琉璃火剪燭頻燒橄欖花此際清狂仍未減明

朝擬向故人誇

十二月初三日再和蘇韻

松柏凌雲豈望春蛟龍深蟄且存身禍來庸詎知非
福天定還應可勝人笑歷羅鉗兼吉網熟看牛鬼更
蛇神難將此輩心塵洗教誦楞嚴悟水因

其二

天到春迴杓自轉律從陽長炭先低屈信在我甘如
蠖時且隨人笑比雞縱飲多情來酒伴尋花無計負
梅妻不知博物張雷輩紫氣誰占茂苑西

莫訝

莫訝南冠已六旬眉頭何日不曾伸

南史王玄謨未嘗伸眉

香

憐越客分生結酒愛鄉僧餉老春殘雪自明無月夜
寒花相笑背時人醉來一夢真奇絕清鏡塘西理釣

綸

清鏡塘余所居也

觀棋五絕句次西潛上人韻

息盡機心寄草庵却將方罫代清談道人空觀原平
等不道圖中北已三

其二

黑白分明部黨成左蠻右觸日相爭殺機對面談諧
裏始信心為最慳兵

其三

斜飛聯絡鴈行長守腹侵邊勢各張獨有旁觀潛太
息西南風急莫顛狂

其四

袖手冥心細算時真同碧落颺游絲勸君莫漫先爭
勝拙速還應避巧遲

其五

如年長晝一枰過

李遠詩長日
唯消一局棋

酣戰猶揮挽日戈休

向燈前貪覆局驚他寒鳥數移柯

十二月二十日恭紀

聖恩四疊蘇韻

傳來吉語及新春徐甲重教有此身更聽雞竿申巽

命敢將貝錦怨讒人在原異姓如兄弟出獄先幾告

鬼神

獄神李王及楊忠
惠公屢示吉兆

却笑長沙悲服鳥始知禍福

本相因

其二

歌笑聲喧失慳淒玉蟲雙穗向人低開年好聽催歸

鳥昨夜先鳴報赦雞獄中甲夜雞鳴必有恩赦性命苟全鈎黨籍

飢寒相保灌園妻藥苗菜甲生涯足便把江東當灑

西余鄉居清浦鎮俗稱江東

後觀棋五首疊西潛韻

閒將九局覆雲庵絕勝兵從紙上談半子輸贏須早定笑他轉敗背城三

其二

墨守輸攻勢已成紛紛局外代人爭從來不少前車鑒看取貪兵共憤兵

其三

鐵網休誇淮堰長須防困獸爪牙張去如脫兔誰能拒莫漫當場喜欲狂

其四

生死相持劫急時心機織盡鬢絲絲一籌誤下翻成拙此局全輸悔已遲

其五

修羅劫運局殘過斂子收奩暫止戈霸主由來弘大度不將手劍怨盟柯

元夜諸子過飲即事

黯黹浮雲漸漸收此中儘有地理憂星橋火樹雖無
分綠酒明燈也自由世事從教風過耳人生難負月
當頭滿城簫鼓春如海聽盡荒雞醉未休

春蘭歎

故人貽我蘭雙本玉花翠葉相參差此身久墮鍊圍
獄忽如好友來追隨雖無黃磁及綺石蒔植灌溉頗
得宜如何憔悴日復日葉梢焦卷花離披花神豈亦
學世態見我輒軻來相欺夜來中酒不成寐彷彿有

客前陳辭王者之香古所貴芳馨采采貢玉墀不然
便結美人夢不然便入騷人詞無端埋沒向狴犴寧
可早逐秋風萎君固清狂能作達小草安能亦爾爲
微君之故不及此反忍肆口相詆謔吾笑謂蘭汝則
那貴賤榮辱寧可期必有忍乃其有濟白璧豈受青
蠅緇汝雖孤芳終脆弱瓶中不見虬松枝已離本根
三四月青蔥不改凌霜姿花神再拜謝不敏棟梁之
材真吾師酒醒小童喜相報花花葉葉重猗猗

春日五疊蘇韻

踰冬免死又經春長繫支離笑此身印首天乎寧有
罪傷心老矣不如人醉翁易惑黎工鬼妒女難容洛
水神一片燒痕青漸滿須知榮落定相因

其二

遲日暄風亦慘淒春陰那更壓城低人情已慣從呼
馬生事無慘且祝鷄幸免斷蔥悲老母苦將脫珥累
衰妻園扉不鎖游春夢踏遍青山郡郭西

客冬右緒姪聞余繫獄匍匐奔視時獄方急不
得通賦詩見慰亦無由達新春其兄弟復來省

余悲喜之餘出以相示依韻答之

重得餘生笑口開酒酣斫地莫興哀仲文本是甘枯
樹安國從人溺死灰浩蕩 皇仁方泣罪猙獰獄卒
也憐才須知微尚存松柏飽歷冰霽不受摧

其二

贖鍰誰乞

去呼

太公泉餬口曾無負郭田人指福堂為

玉署

松陵周子有福堂為玉署之謔

自將佛火當金蓮醕醕且送遲

遲日靄霧終消湛湛天作達相期何處好竹林知在

余峰邊

姪有丙舍在東余去吾邑不及百里擬卜鄰焉

花朝遣興

棘叢住久便如家也有中春好物華唐詩中秋還不及中春但

少佳人同撲蝶唐人於花朝有撲蝶會儘多新水佐烹茶籠禽

有伴還相語野草無名各自花珍重雙魚傳老友須

拚美酒送生涯西又書來以努力多喫酒相勸

其二

年年裙屐競花朝莫遣今年便寂寥社後乍歸新燕子雨餘重吐舊蘭苕軟塵叱撥湖邊舫綺陌秋千月下簫歷歷歡場皆在眼但愁魂夢惱春宵

題潘旭始梅野小築

齊女門邊結隱宜梅花無數繞山茨吟朋應愛林君復画手須尋楊補之曲徑夜寒招鶴守小窗春暖許蜂知旁人錯比河陽縣桃李春風總後時

上巳

佳節蕭條又一年赭衣相對淚淒然清尊修禊嗟何

及紅袖前裙最可憐徹夜乍晴騎月雨吳俗廿七廿八日遇雨則

初二初三日亦然謂之騎月雨見劔南集輕陰仍做養花天二分春色憑

誰惜蟾影如弓未上弦

春盡東臯有洞庭之游賦詩見別次韻送之

同吟同醉輒經年清夢無端促放船數日前東臯有夢游東山之作

此去山中逢角里何殊海上訪成連絲絲蕤菜流匙

滑白白鱖魚入網鮮舊雨相於花信早為君爭解杖

頭錢

其二

金庭結夢亦多年無計隨君上釣船醉裏人將春並

去望中雲共水相連莫釐山色粘天碧橘社花枝過

雨鮮獨有離居延佇切早期歸屐破苔錢

非所春盡無花可看西潛上人輟瓶花相贈詩

以謝之

非所字見劉隨州集

蹉跎花事夢中闌腸斷春風到牡丹不是高僧能割

愛棘叢爭得一枝看

其二

維摩丈室悟前因吹下香風萎又新結習盡來身不

著却將持餉鐵圍人

其三

硯頭瓶小插橫斜便是諸天稱意花却笑夜來春夢

錯枉隨蜂蝶過鄰家

其四

嫣紅膩白鬪芳菲拂拂天香細染衣他日相逢應一
笑拈來重話祖師機

送同年顧桐邨赴奉天兼呈座主華亭先生及

謫所諸公

中年別親友懷抱輒作惡况子遠謫居值余淹貫索
離腸徒九迴面別限城郭當餐再三歎夜夢驚屢噩
何意壘篋好從茲異南朔春林多怨鳥恐泥困屈蠖

鬱紆但拊膺有淚不敢落魂夢拚相隨無爲悵天各

其二

論交十五年心跡兩不異相期不朽業温飽非所志
寧知罹雉羅性命刀砧寄盜金直被疑竊食顏遭毀
九閻遠難叫周内恣酷吏得禍良已奇莫問何由致
玉甘猛火燒松冒嚴霜翠顛沛何足言俯仰自無愧
去去勿伊憂天乎豈終醉

其三

襄平古邊徼今乃爲陪京吾昔賦皇華星軺實經行

我我醫無閭汙汙遼水清差不異中土沃壤宜香杭
遷客多賢豪冰天有遺聲往年剩人和尚與諸公
結水天社倡和最盛吾
師世模楷蒙難如履亨子往侍函丈鑄回期有成惠
州安蘇公龍塲悟陽明願子愛玉體風霜慎遠征秋
前多早鴻因之慰離情

其四

同時履虎尾君竄吾殺身吾罪得輸粟獨爲君酸辛
丈夫豈避禍高堂有老親早悲陶嬰鵠屢遷孟母鄰
鷗池得變化綽楔期嶙峋豈謂大耄餘壯子爲逐臣

聖朝崇孝治排雲叫紫宸天高聽則卑烏鳥情必
申期君奉板輿共泛西湖濱綿上愜偕隱愛日蘭陔
循重踐拜母約醉吾松醪春

寄題西潛聽鶯書屋地故戴顓宅也

南朝處士聽鶯地白足禪僧此結廬丈室鐘魚消歲
月諸天樓閣湧空虛茶煙繞榻吟詩苦花雨侵衣梵
唱徐吾欲携柑仍載酒攢眉蓮社定何如

審錄赴省夜過無錫小舟幾覆茆偉公在焉賦
以謝之兼示聞爾達杭省庵

不道呼囚亦有名匆匆一葦促宵征自將忠信輕波
浪却以艱危累友生脫險豈能甘旅夢剋期唯恐負
王程故人同難勞延佇握手明朝喜復驚

望華陽隱居用許鶴沙先生題壁韻

三峰南望五雲開連石分封亦壯哉通隱風流光礪
戶高真標格注丹臺最難天子能忘勢須信神仙總
愛才吾欲聽松温昔夢騾綱鈴馱莫相催

至江寧再疊前韻

蔽日浮雲已漸開先秋偏覺氣悲哉燕歸知入誰家

巷鳳去愁看舊日臺胥靡敢期通帝夢檻車羞比霸
齊才炎敲苦憶涼颶好憑仗悲笳及早催

會勘日三疊韻

銀鐺三木笑顏開不藉醇醪沃怪哉怪哉蟲獄地冤氣所化以酒沃

之則消幸有恩綸頒北闕便拈詩筆和西臺輿人也

自憐非罪聚觀者多為余泣下聖主何曾棄不才脫却赭衣

催結束深林休待子鵑催

歸舟口號

麻衣席帽漬風埃只當金陵下第回買得吳航真失

喜鄉音先入棹歌來

其二

歸歟依舊向園扉如此言歸不當歸 國體尚存賢

太守

委官押送得免短
遞盧趙兩君力也

免教歷徧鐵山圍

其三

有淚何曾灑路窮小船欹側逆流中科頭白眼傾郵
酒飽看人家使順風

其四

休憑百丈與風爭邪許聲喧篙櫓橫好向綠楊橋畔

泊明朝自在挂帆行

其五

秦越同舟用力齊號呼拜許賽神鷄中流且脫須臾
命莫向船梢互勃谿

其六

大艚莪莪壓浪花高帆腹飽勢橫斜須知風色朝朝
變三老攤錢莫自誇

其七

石尤風息水消波雙櫓聲柔引夢多愛殺九龍山似

畫月明船向画中過

其八

機棹山塘碧樹遮樹陰深處故人家
董新日新歸此便道訪之
行問我真何事訪友尋山與看花

六月十三日復入郡獄

離家九見月盈虧莫道園扉便可悲天豈終遭黃霧
塞心原不受黑風吹譬如幙客周防日只當禪僧止
觀時獨有君親恩未報幾回中夜起然疑

題秦淮水榭

赤闌橋外柳千條一曲清溪漲晚潮鵝管偷聲催月
上不知何計不魂消

其二

南部煙花失舊聞都無歌笑有愁雲才人潦倒佳人
老腸斷當年白練裙

其三

艷曲空傳燕子箋如雷羯鼓鬧燈船可憐三五花梢
月曾向臨春閣外圓

其四

欵乃聲中酒半消水天閒話總無慘不須重數華胥
夢衰柳秋風見六朝

秋日感懷

每逢白露暗傷神痛憶先公被禍辰屈指行年同大

行驚心紀歲又壬申

先中丞以崇禎壬申白露節遭變時年五十致彌今年亦五十

有一誰憐瀕死非其罪自愧偷生有此身一事差堪

見吾祖不曾搖尾向時人

中秋夜井農東墅偉公右泉東臯家弟濟九各
攜酒饋過余歌飲竟夕即事次蘇公中秋月韻

穆穆中秋月團團生海東他時非不佳無如此夕中
連蜷小山枝吹香入簾櫳羈愁一時盡但慮瓶罌空
何意二三子載酒相過從傳鯖壓五侯度曲勘九宮
得過且須過吾師寒號蟲仰視天宇高
清輝浩無窮自古貫城內此樂應未逢
勿笑少水魚噉沫頻噉喙

其二

寸心積忻感見月意味別白露下庭莎候蟲悲以咽
豈無武丘寺冶游千金擲笙竽沸廣場裙屐傾城闕
月轉參旗橫清謳振林樾亦有開簾拜水沉爇銀葉

橋看公遠化餅續吳筠說諸君了不顧獨念久戰栗
共傾如澠酒消我頭上雪高詠梧宮秋麗樵鼓聲絕

其三

涼颼掃浮雲不遣滓太清前除若積水笑欲凌波行
忽見南冠影方悟牢戶扃雖云嬰徽纒嘯歌有餘聲
同難得老髯豪健如幽并謂定園也狂來擊唾壺醉後看
青萍高會有如此不負今宵晴盈虧天道在翻覆人
心輕被酒和短歌永懷良友情

八月晦日東臯以早菊見餉同賦絕句

可為悲笳徹夜吹早催秋色到東籬却將九日義之

帖寫入幽風剥棗詩

右軍有采菊帖

其二

叢叢膩白間深黃雲外偏爭月樹香傲骨巖巖原未
改莫猜早放避嚴霜

其三

花信何心競早遲寒香先發兩三枝總翰射馬臺邊

種五月山塘索價時

日本有射馬臺彼土菊花五月即開

其四

才聞白鴈報初寒便許黃花把酒看應念泉明瓶粟
罄天教早借落英餐

余方絕糧

其五

多君特采傲霜姿伴我孤吟叢棘時却笑兩年才思

短始終惟有菊花詩

東臯戲語余云未申集以洋菊發端請更以早菊詩殿之

出獄用蘇公韻

九月十七日

鯉魚風信煖於春吹醒邯鄲夢裏身生死忽分天上
詔悲歡相半路傍人餘年所負惟山志結習難忘
向酒神歷盡驚波頻魘嚙一彈指悟去來因

其二

誰傳吉語散悲淒乾鵲喧檐喜子低已死重生闕里
檜將烹復解杜陵鷄脫驂恩重師兼友祝網歡騰子
與妻檢點秋衾今夜夢黃金臺下練祁西

其三

張甥適自都門歸

花前哭別帝城春豈料猶存現在身肉骨於今重有
我關心舍爾更無人奪將性命離刀几用盡精誠動
鬼神甥舅古來誰得似探環應憶弟兄因

甥之生也亡妹夢幼

弟來託生甥留都中二年為余營救余之得免皆其力也屢感夢兆甚異

其四

痛定追思倍憺淒學他菩薩且省低偷生幸比能鳴
雁矜氣徒勞索鬪雞燕到秋深空挾子鳩當雨後枉
呼妻諸緣遣盡 君恩在夢斷瀛臺苑樹西

廿日仙照紫庭樗園鳳阿維水夜集杖左堂即

事同用佳字廿八韻

繞徑秋花葉擁堦故人連臂歎荒齋牢愁乍向歌呼
失歸信初占卜筮偕夢每易迷車入穴性終難改橘
踰淮餘生重看嬰媿始上策須將姓氏埋命脫庖厨

驚似鹿骨經吞吐瘦於豺三年飽識橫流味一笑先

寬舊雨懷

鳳阿先
晤於郡

慢戲本來師束皙逍遙偏喜記齊

諧楚聲歌罷仍相泣吳體吟成豈厭俳最憶紫簫吹

艷曲曾因金珥誤僮娃鄂君許共乘青翰温尉能忘

賦錦鞋柳市閒消賒酒券菊籬細數記花牌

皆郡中
與鳳阿

游宴

塾巾名士真同郭

樗園居宋比
玉塾巾樓

煮石仙翁也學

媯

紫庭以煮
石顏其齋

供奉詩情醒復醉

仙照詩
最捷

右軍書法漏

兼釵

維水
工書

園扉慶我逢黃雀彩筆憑君別紫蛙藍尾

休辭飛匱匝白頭應惜少朋儕寄愁地下還天上放

跡山顛又水涯但學圖南頻瞌睡何妨司馬輒言佳
霜中松挺蒼蒼鬣春到蘭抽冉冉葦帙散古香堪辟
蝨燈明新火正鑽槐狂名拚受兒童笑飲戶從分大
小差膾斫一雙西塞鱖拌空三九庾郎鮭扶頭醉索
家家釀撒手行過處處厓鷗到忘機真可狎龍因貪
懶誤稱乖垂綸只合尋孤棹緩轡誰教夢六街口數
料量添病鶴家緣艱澀肖枯蝸兒痴陌上宜擔糞婦
老田間解曳柴吉語漫期鶯出谷虛名休信馬生洼
升沉都付深杯裏棗地楓天不用排

賦庭前古樹限韻

依然豹影共龍形祖澤猶存蔭廣庭

先中丞題門云
深影變文豹盤

根高臥龍
蓋指此也

蟠據真疑私地力扶疎直欲黨天青陰深

不受炎炎日落葉還藏嘒嘒星幸以散材逃世患高
枝時見孔鸞停

其二

最愛童童車蓋形百年美蔭落吾庭干雲鐵作膠枝
古溜雨銅如老幹青已分山中依櫟社亦曾天上伴
榆星丹成他日飛昇去尚擬攀緣爲爾停

劉綱上昇
登雞棲樹

乃得去即
皂莢也

大年復仍貽堂用韓韻志喜

上谷於國史忠節不絕書浩刼隨天步巋然獨此廬
靈光峙亂後碩果留剝餘堂祀鞠為草幸未鋤種蔬
黽黽及猥獍嗥竄之所於當時芝蘭室宿莽蟠根株
髯也實超群於吾如玄敷

世說張玄謝敷
中外兄弟也

挈瓶念世

守卅年閤啼噓銖寸累脯脩復此宅一區後堂聞機
杼前堂講玄虛友于奉節母三世仍同居田荆互縈
抱謝樹滋扶疎重看戶外轍藹藹來簪裾作賦擬大

人著書準潛夫家集盛金薤編纂驅蟬魚立言必訓
誥匡時必唐虞想像在天靈下視皆歡娛家邦有興

廢轉旋握其樞三鳳與六龍况復箕裘如

銀臺公兄
弟有江南

三鳳之目先姑壻掌亭先生與記原文
中幾道雲俱智含諸公稱上谷六龍

吾老每相對

輒覺形神痛今者脫網歸煩子命酒徒引滿互稱慶
頓使煩紆祛期吾成二老往來長耦俱出當為名臣
處亦為大儒勗哉念爾祖勿忘堂構初

風雨排悶有懷翠庭疊前韻

窮冬兀坐易蕭騷縱使晴明也鬱陶潤逼矮牕因雨

暗聲喧老樹覺風高一生懷抱傾三雅半里泥塗險
百牢安得南鄰愛酒伴相過把盞競揮毫

詠天竹子和龔筠丞韻

鐵榦亭亭耐朔風交枝翠羽鎮青蔥天教點綴窮冬
景不受冰霜不肯紅

其二

瑣碎徒誇虎刺叢相思蠻樹阻炎風壓枝朱實誰堪

並五月朝鮮馬宋紅

朝鮮馬宋樹子以五
月熟成穗而正紅

杕左堂集卷五

後學金惟騃叔良

校

外孫程宗傳說巖

國

